

Tunisassiassatut isumassarsiat aammalu inereerlugit avammut niooqutissiassat Kalaallit Nunaanni pinngortinneqartut ingerlanneqartullu nunani tamalaani takoqqusaarutigineqartarnissaannut aningaasatigut tapersiisoqartalernissaa siunertaralugu takoqqusaaruteqartarnermut taperseeriaatsimik pilersitsisoqarnissaanik Naalakkersuisut sulissuteqarnissaat pillugu Inatsisartut aalajangiiffigisassaattut siunnersuut. (Inatsisartunut ilaasortat Finn Karlsen, Siverth K. Heilmann, Knud Kristiansen, ATASSUT)

Akissuteqaat

(Inuussutissarsiornermut Suliffeqarnermullu Naalakkersuisoq)

Naalakkersuisut nunani allani kalaallit tunisassiaannik nittarsaassinermit tapiissuteqartarnissamik pilersitsinissaq pillugu siunnersuut tigusimavaat. Siunnersuummiippoq uagut siunissami tunisassiortut nunani allani tunisassiat maani nassaarineqartut, ilusilersorneqarsimasut allatulluunniit suliarineqarsimasunik nittarsaassineranni tapiissuteqaatissanik qularnaarinissaq isumagissagipput.

Naalakkersuisut tunisassiassanik nutaanik ineriartortitsinissaq nassaartornissarlu pillugit sinaakkutaqarnissaq pingaaruteqarmat, siunnersuuteqartunut isumaqataapput. Naalakkersuisut isumaqarput tunisassiassanik nutaanik ineriartortitsineq qitiulluinnartussaasoq, inuussutissarsiuteqartut aningaasarsiornikkut qularnaatsumik peqataatinneqassappata. Tamatumunnga atatillugu tunisassianik assigiinnik nittarsaassineq ineriartortinneqartariaqarpoq, tamannalu nunatsinniinnaq pisussatut isiginagu, aammali nunat assigiinngitsut akornanni tunisassiorsinnaaneq siunertaralugu isumaliutigineqartariaqarluni.

Kalaallit Nunaanni Takornariaqarnermut Inuussutissarsiornermullu Siunnersuisoqatigiinnit (GTE) ullumikkut siunnerfilimmik nunanut kiisalu tunisassianut aalajangersimasunut, sammisanullu aalajangersimasunut tunngatillugu internet atorlugu ingerlataqareerpoq. Tamatumalu saniatigut annikitsuunngitsumik nittarsaassineqarpoq, taamatullu ingerlatat affaat sinnerlugit Branding Greenland suleqatigineqarluni. Nittarsaassinerit takornariaqarnerinnarmut tunngatinneqanngillat, aammali misigisaqartitsiniarluni inuussutissarsiutinik tunisassiortut tunisassiallu ilaatinneqartorujussuullutik. Branding Greenland-ip ingerlataani tunisassiortut tunisassiallu tamakkerlugit ilaatinneqarput, tassami naluneqanngimmat nunanut allanut tunngatillugu iliuuseqarneq ataatsimoorussinikkut pitsaanerpaasarmat.

Inuussutissarsiutit siuarsarneqarnerannut tunngatillugu aningaasaliissutit annertoreersumik tunisassiortunut tunisassianik nutaanik eqqarsaateqartunut atorneqareerput – isumassarsiamit tunisinermit, nittarsaassinermit pisiniartunullu. Inuussutissarsiutit siuarsarneqarnerannut tunngatillugu aningaasaliissutinik aningaasalersueqataaneq tunisassiortuniippoq tunisassianik ineriartortitsinerminni atortussanik piffissap ingerlanerani tunisaqarnissamik qularnaarisussanik ineriartortitsinermik ilaatitsisuni. Assersuutigineqarsinnaapput inuussutissarsiutit siuarsarneqarnerannut tunngatillugu aningaasaliissutit NUKIIT aammalu internetikkut nittarsaasinikkut iliuutsinut aningaasalersueqataanissamut periarfissaq, ornittakkanik ingerlatseqatigiiffinnit ilaatigut manna tikillugu nunani assigiinngitsuneersut nittarsaassinersuini atorneqarluartarsimasoq.

Tamatuma saniatigut inuussutissarsiortut periarfissaqarput Kalaallit Nunaanni Takornariaqarnermut Inuussutissarsiornermullu Siunnersuisoqatigiinnit (GTE) siunnersorneqarnissamut aammalu nittarsaassinermut atugassanik aningaasatigut Avammut tunisassiornermut aamma Nutaaliornermut qiortartakkat aqqutigalugit tapersernejarnissamik siunnersuisunit nittarsaanermut misissuinissaq, uppersaasersuinissamut siunnersorneqarnissaq tunisassiallu illersorneqarnissaat il.il. pillugit aningaasanik qinnuteqarsinnaanermik.

Naalackersuisut inuussutissarsiutit imminut nammassinnaasut akilersinnaasullu ineriartortinneqarnerata innarlerneqannginnissaat kissaatigaat, tamatumuuna ineriartortinneqassammat oqimaaqatigiisumik tunisassianik tuniniaaneq ilusilersorneqarlunilu ineriartortinneqassammat tunitsiviusinnaasunik niuerfinnillu pilersitsinermut atatillugu.

Naalackersuisut isumaqarput qulaani pineqartutut oqimaaqatigiisumik ineriartortitsineq tapersiinerinnakkut siuarsarnejarsinnaanngitsoq. Naalackersuisut isumaqarput nunani allani nittarsaassinerit tulluernerpaamik ingerlanneqarlutillu ineriartortinneqarsinnaasut nittarsaassinermut periarfissat pioreersut, ilaatigut Kalaallit Nunaanni Takornariaqarnermut Inuussutissarsiornermullu Siunnersuisoqatigiinnit (GTE) Branding Greenland-ilu atorlugit.

Taamaattumik Naalackersuisut inassutigaaat siunnersuut itigartinneqassasoq.